

Mormii Mushrikootaa-Kutaa 1

Description

Wantootaa Barbaachisoo Mushrikoonni fudhachuu didanii fi faalleessan

Mushrikoota (polytheists)-jechuun namoota Rabbii waliin ykn Isaan ala wantoota adda addaa gabbaran (waaqefatanii)dha. Warroonni shirkii leellisan wantoonni gurguddan isaan faalleessanii fi morman: Tokkichummaa Rabbii (Wahdaaniyyatillah), Guyyaa Aakhiraatti amanuu, Ergama Nabiyyii (SAW) fi Qur'aaana Rabbal aalamina irraa isa irratti bu'eedha. Sababni kanniin asitti kaafnuf, namni biroo yaadaa fi amanti akka mushrikoota qabachuun dogongora wal fakkaatutti akka hin kufnee fi akkuma isaanii adabbiif akka of hin saaxilleefi.

1ffaa-Tokkichummaa Rabbii faallessuu fi mormuu

Warroonni kafaran Makkaa Rabbiin isaanii fi wantoota biroo hunda akka uumee ni amanu. Garuu sanama gabbaraa turan. Dhagaan isaan gabbaran kuni gara Rabbitti nu dhiyeessu jechuun odeessu. Rabbiin subhaanahu wa ta'aalaa ni jedha:

أَلَا لِلَّهِ الدِّينُ الْخَالِصُ وَالَّذِينَ اتَّخَذُوا مِنْ دُونِهِ أَوْلِيَاءَ مَا نَعْبُدُهُمْ إِلَّا لِيُقَرِّبُونَا إِلَى اللَّهِ زُلْفَىٰ إِنَّ اللَّهَ يَحْكُمُ بَيْنَهُمْ فِي مَا هُمْ فِيهِ يَخْتَلِفُونَ إِنَّ اللَّهَ لَا يَهْدِي مَنْ هُوَ كَاذِبٌ كَفَّارٌ ﴿٣﴾

â€œDhagayaa! Amantiin qulqulluun Rabbi qofaafi. Warri Isaa gaditti awliyyaaâ€™ (tiiksotaa fi gargaartota) godhatan, â€œGara Rabbiitti akka sirritti nu dhiyeessaniif qofa isaan gabbarraâ€• [jedhu]. Dhugumatti Rabbiin waan isaan keessatti wal dhaban ilaalchise jidduu isaanitti ni murteessa. Dhugumatti Rabbiin nama kijibaa akkaan kafaraa taâ€™e hin qajeelchu.â€• Suuratu az-Zumar 39:3

Kana jechuun yaa namoota amantiin (ajajamnii fi ibaadan) makaa irraa qulqulluu taâ€™ee Rabbiif qofa malee eenyufillee akka hin taanee xiyyeeffannoo itti kennaa, mirkaneeffadhaa. Wanti shirkii qabu Isa bira hin gahu. Rabbiin warroota shirkii irraa dureessa. Namni hojii ibaada hojjatu keessatti Rabbiin ala wanta biraa itti dabale, Rabbiin isarraa hin qeebalu. Isatti gadi deebisa.

Itti aanse waaâ€™ee mushrikoota dubbata: â€œWarri Isaa gaditti awliyyaaâ€™ (tiiksotaa fi gargaartota) godhatan.â€• Kana jechuun warri Rabbii gaditti wanta biraa gabbaramtoota (gooftota) godhachuun gabbaran. â€œGodhatanâ€• jechuun wanta haqaan wal faallessu mataa ofiiti uuman jechuudha. Sanamni isaan gabbaran homaa akka hin uumne, faayda namaaf fiduu fi miidhaa namarraa

deebisu akka hin dandeenye isaaniif erga ifa taâ€™™ee booda falmii fi mormiif jecha, **â€œGara Rabbiitti akka sirritti nu dhiyeessaniif qofa isaan gabbarraâ€• [jedhu].â€•** Kana jechuun sanamoonni ykn taabonni amala gooftummaa ni qabu jennee isaan hin gabbaru. Garuu Rabbiin biratti sadarkaa guddaa fi shafaâ€™™aa (jaarsummaa) fudhatama qabu waan qabaniif Isatti nu dhiyeessan jennee isaan gabbarra.â€•

Falmi kijibaa kana akkana isaaniin jechuun kuffisuun ni dandaâ€™™ama: wanti isin gabbartan kunniin gara Rabbii akka nama dhiyeessan kan beekan ragaa fi ibsa Rabbiin irraa dhufeeni. Kanaafu, ragaa keessan kitaaba Rabbiin irraa buâ€™™e irraa fidadhaa. Wanta odeessan kanaaf ragaa wayitu fidu hin dandaâ€™™an. Kanaafi, dhuma aayah irratti isaan kijibdoota fi kaafirota akka taâ€™™an ibsa.[\[1\]](#)

â€œDhugumatti Rabbiin waan isaan keessatti wal dhaban ilaalchise jidduu isaanitti ni murteessa.â€• Kana jechuun Rabbiin Guyyaa Qiyaamaa wanta namoonni keessatti wal dhabanii fi gargar itti taâ€™™an ilaalchise isaan jidduutti ni murteessa. Namni haqa irra jiruu fi namni soba irra jiru Guyyaa san addaan baafamuun namni haqaa mindaa gaarii argata, namni sobaa immoo ni adabama.

â€œDhugumatti Rabbiin nama kijibaa akkaan kafaraa taâ€™™e hin qajeelchu.â€• Kana jechuun nama niyyaan isaa Rabbiin irratti kijibuu taâ€™™ee fi qalbiin isaa mallattoolee, keeyyattoota fi ragaalee Rabbii osoo beektu fudhachuu diddu, Rabbiin gara qajeelinnaatti ykn haqaatti isa hin qajeelchu.[\[2\]](#)

Mushriikota Makkaatti sanama gabbaruun biyyoota ollaa irraa kan isaanitti darbeedha. Kanaafi, waamicha gara Tawhiidaa mormii cimaan faallessan. Rabbiin oltaâ€™™aan isaan ilaalchisee ni jedha:

عَجِبُوا أَنْ جَاءَهُمْ مُنْذِرٌ مِنْهُمْ وَقَالَ الْكَافِرُونَ هَذَا سِحْرٌ كَذَّابٌ ۖ أَجَعَلَ الْإِلَٰهَ
وَاحِدًا إِنَّا هَذَا لَشَيْءٌ عُجَابٌ ۖ وَأَنْطَلَقَ الْمَلَأُ مِنْهُمْ أَنْ آمْسُوا وَاصْبِرُوا عَلَى
تِكْمٍ إِنَّا هَذَا لَشَيْءٌ يُرَادُ ۖ مَا سَمِعْنَا بِهَذَا فِي آلِمَّةِ الْآخِرَةِ إِنَّا هَذَا إِلَّا اخْتِلَاقٌ ۖ

â€œAkeekachiisaan isaan irraa taâ€™™ee isaanitti dhufuun isaan dinqisiisee. Kaafironni ni jedhan, â€œKuni saahira (nama sihrii hojjatu), sobaa dha. Sila gabbaramtoota hunda gabbaramaa tokko qofa taasisee? Dhugumatti kuni waan dinqisiisadha.â€• Isaan (mushrikoota) keessaa namoonni gurguddoon deemanii, â€œDeemaa, gooftolee keessan [gabbaruu] irratti obsaa, dhugumatti inni kuni wanta barbaadamudha. Amanti gara dhumaa keessatti kana hin dhageenye. Kuni wantuma haarawa uumamee malee homaa miti.â€• [jedhan]. Suuratu Saad 38:4-7

Mushrikoota Makkaa Nabii Muhammad (SAW) akeekachiisa taâ€™™ee isaanitti dhufuun isaan dinqisiisee. **â€œSila gabbaramtoota hunda gabbaramaa tokko qofa taasisee?â€•** Kana jechuun sila Gooftaan gabbaramu tokkicha qofa, Isa malee haqaan gabbaramaan hin jiru jedhaa? Mushrikooni kana garmalee jibban. Sababni isaas, sanama gabbaruu abboota isaanii irraa dhaalan, qalbiin isaaniis shirkiin xuroofte. Yommuu Ergamaan Rabbii (SAW) qalbii isaanii irraa kana akka haaqanii fi Rabbiin akka tokkichoomsan isaan waamu, garmalee dinqisiifachuun, **â€œSila gabbaramtoota hunda gabbaramaa tokko qofa taasisee? Dhugumatti kuni waan dinqisiisadha.â€•** jedhan. **â€œIsaan (mushrikoota)**

keessaa namoonni gurguddoon deemanii• Kunniin hoggantoota fi maanguddoota isaanii kanneen taà€™aniidha. à€œ**deemaa**à€œ• kana jechuun amanti keessan irratti itti fufaa. Wanta gabbartan (waaqefattan) irratti obsaa. Tawhiida irraa wanta inni itti isin waamuuf hin awwaatinaa. à€œ**dhugumatti inni kuni wanta barbaadamudha**•• Muhammad (SAW) tawhiidatti kan nu waamuf isin irratti kabajaa fi olà€™aantummaa ittiin barbaadufi.

à€œ**Amanti gara dhumaa keessatti kana hin dhageenye**•• Kana jechuun amanti gara dhumaatti dhufe keessatti Rabbiin qofa gabbaraa kan jedhu hin dhageenye[3]. Amantin gara dhumaa isaan jedhan kuni amanti akka isaanii shirkiin guuttame amanti Kiristaanati. Kiristaanonis Rabbiin waliin waan biraa gabbaru (waaqefatu).

Sababni aayaanni tunniin itti buà€™aniif mufaasironni akkana jechuun ibsan:

Yommuu Abu Xaalib dhukkubsatu, Abu Jahl dabalatee Qureeshonni gariin isatti seenanii akkana jedhan, à€œIlmi obboleessa keeti wanta gabbarruu arrabsaa jira. Inni wanta akkana akkanaa hojjate, wanta akkana akkanaa jedhe. Maaliif isatti ergitee akka kana hin hojjanne itti hin himnee?à€œ• Abu Xaalibis gara Nabiyyiitti (SAW) ni erge. Innis dhufee mana ni seene. Isaanii fi Abu Xaalib jidduu iddoo teessummaa nama tokko teechisuutu jira. Abu Jahl -abaarsi Rabbi isarratti haa buà€™uu- yoo nabiyyiin (SAW) cinaa Abu Xaalib taaà€™ee, inni Nabiyyiif daran garaa ni laafa jedhe sodaachuun utaalee bakka kana taaà€™e. Nabiyyiin iddoo teessumaa abbeeraa isaatti dhiyaatu hin arganne, kanaafu balbala bira taaà€™e. Abu Xaalib ni jedheen, à€œYaa ilma obboleessa kiyyaa! Namoonni kee maaliif si komatuu? Wanta gabbaran akka arrabsituu fi akkana akkana akka jettu ni odeessu.à€œ• Dubbii itti baayà€™isan. Ergamaan Rabbiis (SAW) akkana jechuun dubbatan, à€œYaa abbeeraa koo! Wanti ani isaan irraa barbaadu dubbii takka akka jedhan qofaadha, dubbii tanaan Araboonni hordoftoota isaanii taà€™uu, warri alaa (Islaama keessa hin seenne) immoo jizyah isaaniif kafalu.à€œ•

Mushrikoonni dubbii fi jecha isaatiif ni rifatan. Isaanis ni jedhan, à€œDubbi takka moo? Eeyyen abbaa keetin haa taà€™u, dubbii kudhanu ni jenna! Dubbiin tuni maalidhaa?à€œ• Abu Xaalib ni jedhe, à€œDubbi tamiidhaa yaa ilma obboleessa kiyyaa?à€œ• Ergamaan Rabbiis (SAW) ni jedhe, **à€œLaa ilaah illallah (Rabbiin malee haqaan gabbaramaan hin jiru)**à€œ• Qureeshonni kunniinis kana yommuu dhagahan rifatanii uffata isaanii hurgufaa fi akkana jechaa kaà€™anii deeman: à€œSila gabbaramtoota hunda gabbaramaa tokko qofa taasisee?à€œ•[4]

Hojii hundarra fokkuu taà€™e shirkii dhiisanii Rabbi tokkicha gabbaruun mushrikoota irratti ni ulfaate. Amanti jallataa abboota isaanii irratti ni gogan. Kanaafi, Rabbiin keessan tokkicha Isa qofa gabbaraa yommuu jedhaman mormii cimaa agarsiisan. Garuu shirkiin isaan irra jiran baaxila (soba) waan taà€™eef adabbii (azaaba) jalaa isaan hin baasu. Qurà€™aana keessatti, **à€œDhugumatti namni Rabbitti waa qindeesse, Rabbiin isarratti Jannata haraama (dhowwaa) taasiseera. Teessoon isaas ibidda. Miidhaa raawwattootafis tumsitoonni hin jiran**•• Suuraa Al-Maaà€™ida 5:72

Rabbiitti waa qindeessuun (shirkiin) bifa adda addaa qaba. Isaan keessaa, wanta uumame (makhluuqa) akka Gooftaatti ilaalun kadhachuu, isaaf of gadi qabu, sagaduu, qalma qaluu fi kkf hojjachuudha. Rabbiin oltaà€™ee shirkii irraa nu haa eegu.

Mormii 2ffaa-Aakhiratti Kafaruu isaanii

In sha Allah boru kutaa itti aanu keessatti ni ilaallaâ€

Kitaabban wabii

[\[1\]](#) Maâ€™aarij tafakurri wa daqaaâ€™iqu tadabburi 12/152-153

[\[2\]](#) Tafsiiru Ibn Kasiir 6/439

[\[3\]](#) Tafsiiru Ibn Kasiir 6/408-409

[\[4\]](#) Madda olii

Date Created

September 24, 2019

Author

admin